

## Universitätsbibliothek Paderborn

**Occupatio animae Jesu Christo crvcifixo devotee.**

**Leroy, François**

**Pragae, 1666**

Caput XV. Animi esse ingratissimi, passionis Christi nunquam aut rarò meminisse.

[urn:nbn:de:hbz:466:1-47123](#)

ulteriora Dei munera capienda , veluti capaciorem effici.  
Postremò : non ita accipienda quæ dicuntur , quasi ad ista sufficiat , circa Domini nostri cruciatus aliquanto tempore , intercisiè , obiter aut languide exerceri : sed eam non nisi diuturnæ , constantis , pertinacis , atque adeò fervide commentationis esse mercedem .

Quo modo nos quoque hujus tractatus extrema parte , his non absimiles prærogativas , velut assidua exercitationis fructus proprios , amatori Crucifixi expectandos esse confirmabimus : quorum saltem indicem ac titulos lectorem juvem in præsentiarum , cumulandorum incitamentorum gratiâ , vel cursim delibasse . Ut enim , juxta Philosophum , semen & fructus re idem sunt , solumq; differunt ( uti loquitur ) prioris posteriorisue ratione ; quod nimur nux , exempli causâ , aut tritici granum , aliudque ejusmodi , si ad eam plantam referatur , ex qua provenit , fructus sit ; semen autem , si ad eam compares quæ ipso ex fructu possit provenire : ita nobis quoque philosophandum in præsenti ; ea videlicet quæ parte extrema opusculi , quasi hujus nostræ circa Crucifixum exercitationis fructus ponimus , totidem incita menta esse seu semina , ex quibus in legentium animis ejusdem studium exercitationis ingignatur .

## C A P U T X V .

*Animi esse ingratisimi , passionis Christi nunquam aut raro meminisse .*

### §. I.

*Superni ejus beneficij gratiam meritissimò à nobis reposci .*

**V**T si feria sanè & gravis , ita æquisima & iustissima est , illa Ecclesiastici commonitio : *Gratiam fidejussoris ne obli viscari : dedit enim pro te animam suam .*

*cap 29.*

Quis

*I. de gener.  
animis. c. 18.*

ROY

Quis autem, amabo, singularis ille fidejussor, qui jam non pecuniam duntaxat, sed vitam quoque re ipsa pro clientibus dederit; nisi dulcissimus Redemptor noster, qui peccatis nostris atque debitis in se susceptis, sanguinis sui mortisque; pretio, antiquum Adæ nomen expunxit; & chirographum obligationum nostrarum, quod ipsi peccando scripseramus, velut cancellatum & abolitum crucis suæ stipiti suffixit?

Hujus igitur tam fidi, tam amantis, tam liberalis fidejussoris in nos promerita, labores, dolores, crucem ac mortem nostrâ causâ obitam, meritò monemur non obliisci; quoniam, uti primus insimusque; grati animi sensus est, memorem beneficij vivere; ita supremum est ingrati animi decus, omnem ex animo benefacti memoriam deponere, & ne id quidem, quod & ipso genere minimum, & factu facilimum videtur, benemerenti rependere.

Quod si id certè in universum, hoc est, & in omni etiam mediocri promerito, & inter quasunque personas locum habet: multò magis in hoc omnium supremo beneficio valere debet, quo & ab æterna morte redempti, & sempiterna vita redditum sumus, idque; morte acerba filij Dei unigeniti, qui etiam cùm adhuc inimici essemus, in tantum dilexit nos, ut semetipsum pro nobis tradiderit, & salutem nostram suo sanguine æstimârit.

*In fin. Spe*  
*tit. c. 6.* Quid enim æquius esse potest; quam ut anima nostra illi vivat, cuius morte ac beneficio vivimus? Et, si vitam ipsam, si nosmetipos illi debemus, eoque nomine ita à nobis diligendus est, ut & vitam vitæ, & sanguinem sanguini reddere, immò (quod audacter generosèque pronuntiat Ludovicus Blofius) pro illo non solum temporales hujus vitæ afflictiones, sed æterna inferni tormenta tolerare, parvus sumus: quantulum id erit, si vel omnem vitam in summi illius divini amoris & gratiæ recordatione ponamus; aut omne etiam

vitæ

vita momentum (cùm nullum adeò momentum sit, quo non fructum aliquem passionis Christi capimus) ei recolendæ atque colendæ dedicemus?

Quapropter & S. Isaias, cùm victoriarum Salvatoris, ipsius nimirum sanguine ac morte partarum, meminisset; cumq; jam sibi proposisset velut triumphantem, formosum in stola carnis sua; & tinctis vestibus de malorum nostrorum torculari; continuò in grati animi dulces sensus erumpens: Miserationum Domini, inquit, recordabor, laudem Domini super omnibus que reddidit nobis Dominus. Ad quæ quodammodo alludens S. Bernardus, de ipsa agens amarisima Domini sui passione: Memoria (ait) abundantia suavitatis serm. 43. horum, eructabo quamdiu vixero. In eternum non obliviscar in Cant. miserationes istas, quia in ipsis vivificatus sum, &c.

Accedit, quod ipse dulcissimus Redemptor noster (quod alio in loco paulò amplius confirmabitur) nostri memoriā, studium, curam, nullo unquam momento depositit; sed tum in omni vita, tum in ipsa etiam pressurâ tormentorum suorum, &c (ut ita dicam) sub ipso ictu mortis positus, nostri amantissimè meminit, deq; nostra salute solicitus, pretium divini sui sanguinis mortemq; suam æterno Patri pro unoquoque nostrum, etiam nominatim, obtulit. Unde est illa suavis & fortis ad passionis Christi gratam memoriam Abbatis Blofij adhortatio: Memor sis, oro, eorum qua Spec. Spirit. dulcis IESVS (qui est DEVS & Dominus & pater & frater tuus) pro te fecit, eiq; devoto corde gratias age. Ipse factus est homo pro te. Ipse semper & ubique tui recordabatur, teq; ante mentis sua oculos habebat, faciens & tolerans

libentissimè omnia pro tua salute.

Sic ille..

*Isa. 63.*

ROY

Up 110

T 204

C 204

E 204

W 204

U 204

V 204

I 204

L 204

M 204

N 204

O 204

P 204

Q 204

R 204

S 204

T 204

U 204

V 204

W 204

X 204

Y 204

Z 204

•S) [\*] (S•

N

§. 2.

## §. 2.

*Quorundam Christianorum cā in parte socordiam ipsi Salvatoris magnopere dissidere.*

**V**Eruntamen , ut est complurium in his quæ ad spiritum spectant deploranda cæcitas ; non desunt etiam inter Christianos, qui vel hujus sue nomenclationis usque eō vivant immemores, ut nulla unquam illos soliciter Christi patientis recordatio ; & ( prout de illis conqueritur ipse Salvator cum sponsa sua Birgitta ) *nunquam de intimo corde eorum processerit verbum hoc : Domine, redemiſti nos ; laus tibi sit pro amara tua passione.*

L. 1. Rev.  
c. 6.

*Iob 16.*

Ut proinde etiam hanc tanquam ejusdem vocem agnoscas , in persona dolentis Prophetæ : *Terra, ne operias sanguinem meum ; neque interveniat in te locum latendi clamor meus.* Tunc siquidem terra quodammodo operit obtegitus Christi sanguinem, quando passionis ac mortis ejus immortale beneficium, quasi perpetuā oblivione obruimus : Latet autem in terra clamor ejus ; cūm eorum quæ propter nos passus est, nullo sensu tangimur, & ad grandem illam divini sanguinis vocem etiam obsurdescimus. *Ipsè enim sanguis redēptionis quem sumimus, clamor Redemptoris est;* ut ibi S. Gregorius.

**Zach. 12.** At, ô bone J E S U , ubi est promissio illa Patris tui ? *Eſfundam ( inquit per Zachariam Prophetam ) ſuper domum David, & habitatores Ierusalem ( super populum nimirum Christianum ) ſpiritum gratie & precum ( vel ut apud Septuaginta legitur, miserationis ) & plangent eum planctu quaſi ſuper unigenitum, & dolebunt ſuper eum, &c.* Quota enim pars eſt Christianorum, quæ mortem tuam amarē plangat ? quæ animo doleat ? quæ illius serio memor vivat ? Ut eā causā dolens compellaris dicere , quod habet alius Prophetæ : *Oblivioni datus sum, tanquam mortuus à corde ; ſive, ut alijs à cogita-*

*xij. 30.*

à cogitatione. Quin etiam (quod monstri instar esse debet, nisi per humanam recordiam frequens jam & plusquam quotidianum esset) nimio plures sunt, ita adversum te optimum suum fidejussorem ingrati, ut tibi etiam mala pro bonis retribuant, & peccata peccatis cumulando, dolores tuos quodammodo exacerbent, tuęq; acerbissimae passioni novam in dies materiam ac causam præbeant.

Meritò igitur Guilielmus Abbas S. Theodorici, ante Dei conspectum se constituens: *Confundor, ajebat, & totus In medit-*  
*contabesco ex dolore cordis, quo considero opus tuum, in medio*  
*annorum vivificatum, in omnes annos, & ante & post effectum*  
*redemptionis, clarificatum, cui nullus compensari potest, cui nullam*  
*mors, nulla vita respondere sufficit, quod tamen mundus per*  
*ipsum redemptus despicit. Vsu enim ipso jam pro nibilo habemus*  
*crucifixum te videre. & qua sequuntur.*

Meritò quoque S. Franciscus nemora replebat gemitibus, divinam pro peccatoribus interpellans clementiam, & quasi coram se positam deplorans Dominicam passionem. Meritò B. Jacoponus perennibus se consiciebat lacrymis; *Rader. in*  
*Vita. c. 10.*

Atque ut eadē in causā Ludovicus Blofius: *Meritò singulares D & I amici sanguineis lacrymis deslere deberent, quod hodie in toto terrarum orbe eadē præcellentissima Christi vulnera in oblivionem abierint.* Ut sanè Jeremiam imitati hoc loco dicere possimus: squalere situ & tanquam lugere vias Calvarij; eò quod pauci sint qui transeant per eas, ut ascendant ad hunc montem Domini, & ibi considerent dolores ejus, & grati recognoscant amorem ejus.

Meritò denique in ipso Salvatore ( si Seraphico Doctori credimus, in tertium sententiarum scribenti) major fuit dolor compassionis de peccatis nostris, quam passionis ex laetione proprij corporis. Ad quod confirmandum, pios quosdam versiculos adducit Philippi Cancellarij ( quam

quam recentiores passim eos S. Bernardo attribuunt) quibus ille Christum italoquentem facit, & cum ingrato peccatore expostulantem.

*Homo, vide que pro te patior.  
Ad te clamo, qui pro te morior.  
Vide penas quibus afficior.  
Vide clevos quibus confodior.  
Cum tantus sit dolor exterior;  
Interior planctus est gravior,  
Tam ingratum dum te experior.*

## C A P V T X V I .

*Profundam passionis Christi oblivionem, in salutis negotio rem periculi plenam esse.*

**E**xtratum hoc esto, ad jugem in animis nostris exsuscitandam passionis Christi memoriam, atque ad piam circa Crucifixum exercitationem, incitamentum: quod licet ex hac tenus dictis videatur fortasse non difficulter intelligi; tamen credidi non fore inutile, si illud seorsum expunerem, & triplici ista ratione, tametsi paucis, affirmarem.

*Prima:* quod veluti proxime jam à nobis dictum est, tanti, tam singularis, tamq; necessarij beneficij, quod Christi morte ac passione accepimus, oblivisci; animi sit sanè adversus ipsum amantissimum, ac profusissimum Redemptorem ingratissimi; eiq; proinde non posit speciali quādam ratione non displicere. Ut autem ait S. Bernardus: *Peremisericordia res est ingratitudo, hostis gratia, inimica salutis.* Et rursum: *est ventus urens, siccans sibi fontem pietatis, rorem misericordiae, fluentia gratiae, &c.*

*Serm. de 7. misericordia.* Quod si universim, seu respectu cuiusvis Divini beneficij, verum est: quanto magis sibi fontem obstruet cælestis gratia,